



Cun e senza tensiun a l'Open Air

Da gievgia enfin dumengia ha gì lieu il pli grond Open Air dal Grischun – cun 18 500 entradas è quel stà vendì ora cumplettaimain. Ils organisaturs fan bilantscha positiva – malgrà ch'i ha dà duas interrupziuns da l'electricidad.

Sandro Buchli/FMR

«Mintgin ha savì tge ch'era da far cura che l'electricidad ei dada ora sin l'areal da l'Open Air. Nus stain mintgamai fitg ruassaivels en da quellas situaziuns ed avain era schon gì in tal cas, uschia che quai ha funcziunà fitg bain.» – Quai di *Catia Tschuor*, la responsabla per las medias dal Open Air Lumnezia envers la FMR.

Chametgs avevan chaschunà duas interrupziuns da l'electricidad la sonda saira. In chametg era dà en in isolatur ed ha stgarpà per terra ina lingia d'electricidad, sco la Repower ha communitgà. Ina bun'ura han gidantras e gidantras da l'Open Air duvrà fin che l'electricidad sin l'areal gieva puspè. Pli tard la saira èsi pervi dad in ulteriur chametg vegnì tar ina segunda interrupziun, uschia ch'ils chantadurs Lo&Leduc han stuì chalar anticipadamain cun lur concert. Ils visitaders e las visitadras èn malgrà la lingia interrutta stads ruassaivels – enfin che tut era puspè pront per l'ultim concert.

Adia Liricas

«Tut en tut essan nus fitg cuntents cun l'Open Air. Blera glieud è vegnida, las bands han dà buns concerts ed i n'ha dà nagins incaps», di *Catia Tschuor*.

In dals puncts culminants è stà il concert da la band rumantscha Liricas Analas. «Lumnezia, essas pinai», uschia han las Liricas beneventà la gievgia saira il publicum per lur ultima show. Ils rappunzs sursilvans han survegnì sco surpraisa il premi SRG.R – per lur engaschi per la lingua e cultura rumantscha sur ils cunfins ora. La FMR è era stada preschenta a Degen ed ha rimnà reacziuns ed impressiuns da visitadras e visitaders. Paginas 2, 3, 4

Trais dis festa suenter dus onns pausa



Il public a ha batti l'archa intar da la plevra.



Mattia ha suenter dus onns puoli cantar sin la tribuna grande.



Lola March durant ihr concert.





Carrai da l'Open Air Lomax a stè giain da l'ultima giora.



77 Bombay Street per la quarta giora a Degos.



Duaa giora è la festa electrica stada interrotta. Da Bernar «LoLLebu» (brav) han persoi stà interrumpèr la concert.



Per las Grucas Analisa è il concert a Degos stà l'actin da las carriera.



Era la festa da Mattiu Defano en vegnida a l'Open Air Lomaxia.

